



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU HRVATSKE REPUBLIKANSKE STRANKE

Broj: 03-07-6-308/19
Sarajevo, 09.04.2020. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Hrvatske republikanske stranke za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Hrvatska republikanska stranka prekršila odredbe člana 11. stav (1) i člana 12. stav (1), (2), (4) i (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske republikanske stranke za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska republikanska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	70,00	0,21
2.	Prilozi fizičkih lica (3-a)	31.580,00	97,32
3.	Prilozi pravnih lica (3-b)	700,00	2,16
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	32.350,00	99,69
II	Ostali prihodi i drugo	100,00	0,31
	Izvori finansiranja (I+II)	32.450,00	100,00

U godišnjem finansijskom izvještaju stranka je iskazala rashode u ukupnom iznosu od 18.466,21 KM.

2. PREDSTAVLJANJE POLITIČKE STRANKE

Naziv političke stranke je Hrvatska republikanska stranka. Skraćeni naziv je HRS.

Hrvatska republikanska stranka je upisana u registar kod Općinskog suda u Mostaru, Rješenjem broj: R/4-14 od 16.05.2014. godine.

Sjedište stranke je u Mostaru, Nikole Šubića Zrinjskog 13.

Lice ovlašteno za predstavljanje i zastupanje stranke je Slaven Raguž, predsjednik.

Lice ovlašteno za finansijske izvještaje za 2018. godinu je Ana Andrić.

U godišnjem finansijskom izvještaju za 2018. godinu Hrvatska republikanska stranka je navela da ima niže nivoe organizovanja, ali nije navela organizacionu strukturu¹.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske republikanske stranke za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske republikanske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja Hrvatske republikanske stranke u periodu od 2014. do 2017. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2017. godinu, izdat je izvještaj o pregledu sa mišljenjem revizora, nalazima i preporukama stranci: da vodi pravilne evidencije o prihodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Hrvatska republikanska stranka nije ispoštovala date preporuke.

5. NALAZI I PREPORUKE

5.1 NALAZI

Hrvatska republikanska stranka je prekršila odredbe člana 11. stav (1) i člana 12. stav (1), (2), (4) i (5) Zakona o finansiranju političkih stranaka.

Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza iz drugih izvora utvrđeno je da politička stranka nije uspostavila pravilne i tačne evidencije o prihodima, rashodima, obavezama, potraživanjima i novčanim tokovima, te da godišnji finansijski izvještaj nije popunila u skladu sa odredbama Pravilnika o godišnjim finansijskim izvještajima političkih stranaka – u daljem tekstu Pravilnik.

(1) U finansijskom izvještaju politička stranka nije pravilno iskazala priloge fizičkih lica u iznosu od 3.710,00 KM.

¹ U finansijskom izvještaju, koji je podnijela Centralnoj izbornoj komisiji BiH, Hrvatska republikanska stranka je sve podatke o prihodima i rashodima unijela na nivou stranke.

- Novčane donacije Ivane Čubele u iznosu od 4.200,00 KM i donaciju Albina Čubele u iznosu od 2.910,00 KM², stranka je u finansijskom izvještaju iskazala kao donacije Ivane Čubele u iznosu od 7.110,00 KM.
- Novčene donacije, koje je ostvarila od Slavena Bevande u iznosu od 5.450,00 KM stranka je prijavila u iznosu od 5.100,00 KM.
- Novčane donacije Slavena Raguža stranka je ostvarila u iznosu od 6.940,00 KM, a prijavila ih je u iznosu od 7.290,00 KM.
- Dvije novčane donacije fizičkih lica u iznosima po 50,00 KM stranka je prijavila kao ostali prihod u iznosu od 100,00 KM.

Pogrešnim prijavljivanjem donacija fizičkih lica stranka je prekršila odredbe člana 14. Pravilnika.

- (2) Politička stranka u finansijskom izvještaju, suprotno odredbama člana 22. Pravilnika, nije iskazala troškove u iznosu od 4.102,59 KM. U poslovnim knjigama stranka je iskazala troškove u iznosu od 22.568,80 KM, a u finansijskom izvještaju u iznosu od 18,466,21 KM. Uvidom u finansijsku dokumentaciju utvrđeno je da stranka u finansijskom izvještaju nije iskazala troškove takse za ovjeru za učešće na Općim izborima 2018. godine, u iznosu od 4.000,00 KM i druge troškove iz njenog poslovanja u iznosu od 102,59 KM.
- (3) U poslovnim knjigama stranka je iskazala nepostojeća kratkoročna potraživanja, u iznosu od 10.000,00 KM, čime je prekršila odredbe člana 11. stav (1) Zakona o finansiranju političkih stranka i računovodstvene propise.
Uvidom u izvode sa transakcijskog računa, utvrđeno je da je Hrvatska republikanska stranka uplatila taksu za ovjeru za učešće na Općim izborima 2018. godine u iznosu od 14.000,00 KM. Obzirom da su nakon provedenih izbora, u skladu sa odlukom Centralne izborne komisije BiH, stranci vraćena sredstva u iznosu od 10.000,00 KM po osnovu uplaćene takse, a dio takse u iznosu od 4.000,00 KM predstavlja trošak stranke, Hrvatska republikanska stranka nema potraživanja koja je iskazala u poslovnim knjigama.
- (4) Politička stranka u finansijskom izvještaju nije prijavila transakcijski račun kod Šparkasse banke, broj:1995320011813581, sa koga je platila taksu za ovjeru za učešće na Općim izborima 2018. godine i finansirala troškove izborne kampanje, čime je prekršila odredbe člana 11. Pravilnika.
Na zahtjev Centralne izborne komisije BiH da dostavi izvode sa ovog transakcijskog računa, politička stranka je dostavila dio izvoda i to za period od 25.05. do 16.10.2018. godine. Stranka je u navedenom periodu putem transakcijskog računa ostvarila promet u iznosu od 28.770,00 KM. Osim navedenog, Hrvatskoj republikanskoj stranci su, u skladu sa Odlukom Centralne izborne komisije BiH o povratu uplaćenog novčanog iznosa takse za ovjeru broj: 03-1-07-3-735/18 od 11.12.2018. godine, u decembru na isti račun uplaćena sredstva od povrata takse u iznosu od 10.000,00 KM.
Obzirom da Hrvatska republikanska stranka nije dostavila sve izvode sa transakcijskog računa, Služba za reviziju nije utvrdila stvarni novčani promet, a politička stranka je prekršila odredbe člana 12. stav (5) Zakona o finansiranju političkih stranaka³.
- (5) Stranka je novčani promet prijavila i putem transakcijskog računa i putem blagajne u istom iznosu, iako kontrolom finansijske dokumentacije nije utvrđeno da je stranka obavljala bilo kakve gotovinske transakcije.

² Donaciju je uplatio Albin Čubela 27.08.2018. godine na transakcijski račun stranke.

³ U skladu sa odredbom iz člana 12. stav (5) Zakona o finansiranju političkih stranka, sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

- (6) U poslovnim knjigama Hrvatska republikanska stranka je iskazala obaveze u iznosu od 307,28 KM i to dugoročne obaveze u iznosu od 192,68 KM i kratkoročne obaveze u iznosu od 114,60 KM.
- Istovremeno stranka je u finansijskom izvještaju prijavila obavezu prema Centralnoj izbornoj komisiji BiH u iznosu od 14.000,00 KM, te navela da je ista nastala 25.05.2018. godine, što je pogrešno i u suprotnosti sa odredbama člana 24. Pravilnika. Uvidom u poslovne knjige stranke i službene evidencije Centralne izborne komisije BiH, utvrđeno je da Hrvatska republikanska stranka nema obaveze koje je navela u finansijskom izvještaju.
- (7) Hrvatska republikanska stranka iako je, u skladu sa odredbom člana 12. stav (2) Zakona o finansiranju političkih stranaka⁴ imala obavezu da u svoj finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja⁵, ona to nije učinila.
- (8) U finansijskom izvještaju, koji je podnijela Centralnoj izbornoj komisiji BiH, Hrvatska republikanska stranka je navela da ima niže nivoe organizovanja. Međutim, stranka nije navela organizacione dijelove, čime je prekršila odredbe člana 12. stav (4) Zakona o finansiranju političkih stranaka i člana 10. Pravilnika o godišnjim finansijskim izvještajima političkih stranaka.

Troškovi izborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM⁶ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Hrvatska republikanska stranka je u svrhu izborne kampanje mogla da potroši 303.523,00 KM.

U godišnjem finansijskom izvještaju za 2018. godinu i finansijskom izvještaju za period od dana podnošenja prijave za ovjeru za izbore do dana ovjere rezultata Općih izbora 2018. godine, Hrvatska republikanska stranka je iskazala troškove izborne kampanje u iznosu 14.719,40 KM.

5.2 PREPORUKE

Preporučuje se Hrvatskoj republikanskoj stranci da se pridržava odredaba Zakona o finansiranju političkih stranaka i Izbornog zakona BiH, a posebno na osnovu uočenih nedostataka se preporučuje:

- ***da uspostavi pravilne, potpune i tačne evidencije o svojim prihodima, rashodima, obavezama i novčanim tokovima,***
- ***da finansijske izvještaje popunjava i podnosi u skladu sa Zakonom i podzakonskim aktima Centralne izborne komisije BiH,***
- ***da poštuje računovodstvene propise i***

⁴ Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

⁵ Hrvatski narodni sabor Bosne i Hercegovine kao udruženje promovise političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

⁶ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da u svoj finansijski izvještaj uključi koristi od aktivnosti subjekata koji su na bilo koji način povezani sa političkom strankom ili su pod njenom kontrolom.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Šef Službe za reviziju, revizor

Mr.sc. Goran Cicović

Mr.sc. Hasida Gušić